

Boulevard ta presenta The Last Emperor

Pelicula mas premia a yega Aruba

ORANJESTAD(AAN)--Segun e premiacion Oscar, no solamente e ta e mihor pelicula di 1987, pero tambe el a bay cu un cantidad di otro premio y a bira e pelicula di aña. Gerardo de Veer no a laga tempo pasa y e siman aki Boulevard Theatre ta presen-

ta e obra, cu a haya gran acogida tur caminda na mundo: The Last Emperor.

Actornan ta: John Lone, Joan Chen y Peter O'Toole. Productor: Jeremy Thomas y Director Bernardo Bertolucci cu a skirbi e obra hunto cu Mark Peploe. Esun cu a trece

Arubata Gerardo de Veer, cu for di Diavierna ta presente den Boulevard Theatre.

The Last Emperor ta e historia di Pu Yi, kende tabata e ultimo emperador di China. E ta tambe e relato fascinante di un tempo turbulento den historia di e pais y Bertolucci sin duda a tuma ariba su lomba un tarea dificil pa produci un pelicula, cu tabata digno di e premionan cu el a ricibi.

E storia ta cuminsa na 1908, ora Pu Yi como mucha di tres aña di edad, a worde hiba e Ciudad Prohibi y a worde poni ariba trono como emperador di China, un pais cu tabata pasa den un temporada di cambianan grandi

den sociedad y cuatro aña despues a worde converti den Republica.

E Ciudad Prohibi ta bira un isla den un sociedad cu ta conoce modernizacion y Pu Yi ta descubri cu e ta un preso como lider di e sociedad isola, cu ta nenga di bandona tres mil aña di regimen imperial.

Na edad di 18 aña, Pu Yi finalmente ta worde saca for di e Ciudad Prohibi ora republicanonan captura Peking. E ta worde forza pa huy bay paisnan Occidental y ta goza di su bida como Playboy hunto cu su dos esposanan te na 1931, ora e comete e error, di acepta e oferta di Japon pa regresa su

cas y bira Emperador di Manchukuo, un imperio recién forma.

Pero Japon solamente kier use como titere y nan plan ta duna resultado. Guerra ta cuminsa y Pu Yi ta trata di comete suicidio. E ta pasa diez aña den prison comunista, pero finalmente ta keda na paz cu su mes promer cu su morto na 1967. The Last Emperor ta muestra e bida di un homber, cu tabata Emperador, despues miembro di sociedad, emperador falso, preso y un ciudadano normal. Ta promer bez cu un grupo Occidental a haya permiso pa filma Ciudad Prohibi.

Agentenan di viahe pa un viahe educacion di KLM pa Hulanda

ORANJESTAD(AAN)--Cu un avion di KLM Diasabra ultimo ariba invitacion di KLM a viaha pa Hulanda, un grupo di agentenan di viahe procedente di Curacao, Aruba y Bonaire y agentenan di KLM na St. Maarten, Santo Domingo y Haiti.

E meta ta pa e agentenan di

viahe den un esfera personal sera conoci cu e producto Hulandes, pa nan ta na altura di e ultimo desaroyonan ariba tereno turistico.

KLM Caribbean a haci e programa instructivo y varia aki en cooperacion cu e oficina principal di KLM y e Oficina Hulandes pa Turismo (N.B.T.).

E programa a cuminsa Diasabra caba na yegada di e agentenan na Schiphol y lo dura un siman. Lo haci un bishita na diferente atraccionnan turistico. Entre otro na Amsterdam, caminda pa aña mas di cien Mil hende ta worde ricibi, un bishita na e Rijksmuseum, tambe na Van Moppes Diamantsslijperij y hopi otro lugarnan mas.



Harold Malmberg di De Palm Tours a entrega

Plaquette pa Arbonitos y Danza Aruba

Fuego artificial pa celebracion na De Palm Tours



ORANJESTAD(AAN)--Pa Harold Malmberg tabata un dia especial. El a tuma e busnan di Pelican Tours. Un momento cu el a combina cu e celebracion na De Palm Island, caminda plaquettes a keda entrega na Arbonitos y Danza Aruba.

E dos agrupacionnan

durante cinco aña a realiza presentacionnan pa De Palm Tours, cu a honra nan durante

un anochi Arubano. Un cantidad considerable di turista a asisti na e anochi colorido, cu a bay acompaña pa show di Arbonitos y Danza Aruba y un mini-brassband, cu a pone

hentr publico jump.

Varios bishitante di exterior tabata tin palabra di elogio pa De Palm Island, cu dia 24 di April lo conoce un ambiente distinto ora un grupo tene un anochi diferente cu lo bay acompaña pa fuego artificial.



ARUBA ART CIRCLE

ARUBA ART CIRCLE
Proudly Presents

KALMAN DOBOS

on Wednesday, April 27, 1988 at 8:30 p.m.

in
Cas di Cultura



in concert with works by:
**Liszt, Bartók, Kodály
and Dobos**

Tickets Afl. 15,- on sale at the bookstores and at Cas di Cultura on the evening of the performance.